

*Bersandar  
pada Tuhan  
dan kurang  
pada diri  
kita.*

- Sta. Mary  
MacKillop



**Bacaan Injil Harian:**

Kebij. 6: 12-16;

Maz. 62: 2-8;

1 Tes. 4, 13-18;

Mat. 25, 1-13.

**Perkataan  
mingguan**  
Harapan kita terletak  
pada Tuhan yang  
sudah Bangkit

Hidup ini hanyalah satu perjalanan; perjalanan iman dan harapan. Kita tidak harus berpuas hati dengan apa yang terbatas dalam daging, tetapi keinginan untuk hidup yang lebih mulia yang seharusnya kita jalani dalam Kristus yang mulia!

Seperti pelayan perkahwinan, kita harus memiliki iman dan harapan, dan mencari kemungkinan yang lebih besar seperti yang dilakukan oleh Bonda Terberkati kita dalam hidupnya. Dia benar-benar percaya pada kasih, sukacita, dan kedamaian yang Tuhan mau berikan, dan inilah yang Tuhan berikan kepada kita hari ini juga. Bayangkan anda diberikan kunci kerajaan ini! Sekiranya kita mempercayai kebenaran yang luar biasa ini, janganlah kita berpuas hati! Marilah kita merangkul semua cintakasihNya yang mampu mengubah kita. Ini adalah kebijaksanaan yang benar - untuk mengenali kebenaran yang diberikan kepada kita, dan berusaha untuk menghidupinya. "Hanya di dalam Tuhan terletak istirehat bagi jiwaku ... Dia sendiri adalah batu karangku, keselamatanku, kubu kuatku agar aku tidak tergoyahkan... percaya kepadaNya... Curahkanlah hatimu kepadaNya ..."

Oleh itu, pastikan untuk membawa minyak kebijaksanaan ini - kasih, iman dan harapan - dengan anda, apa sahaja keadaan anda. Dia bersedia untuk mengasihi dan menerima kita. Ketahuilah bahawa Dia ingin melindungi kita, dan memenuhi kita dengan terang kasihNya yang besar! Terang yang tidak terpadamkan oleh kegelapan! Marilah kita bersiap sedia untuk berubah, dan menyambut Tuhan Yesus, Juruselamat kita, pada setiap saat dalam hidup kita!

Semoga lampu cintakasih kita kepada Tuhan kita menyala di hati kita sementara kita menanti janji kita dengan Dia! Janganlah kita "terlambat"! Semoga kita bertemu dengan kekasih jiwa kita dengan tangan terbuka dan kerinduan sepenuh hati kepadaNya! †

# Newtbec

8 NOVEMBER 2020



NEW WAY OF BEING CHURCH

Hari Minggu Biasa Ke-32

DIUTUS DENGAN KEGEMBIRAAN UNTUK MENYEMBUH

TEMA BULANAN:

**DISEMBUH UNTUK MEMBINA BANGSA MANUSIA**

## MARILAH KITA SENTIASA BERSIAP-SEDIA!

**B**ersemangatlah! Tuhan menepati janji-janjiNya untuk mengumpulkan dan menyatukan semua anak-anakNya! Janganlah kita meremehkan kasih Tuhan Yesus Kristus, Dia yang telah bangkit, dan memanggil kita kepada hidup kekal dalam Dia! Walaupun ramai yang tertidur, **harapan kita bukan terletak pada daging atau makhluk yang diciptakan, tetapi pada Tuhan kita yang sudah Bangkit.**

